

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), na prijedlog Ministarstva za pravosuđe i upravu, Vlada Zeničko-dobojskog kantona, na 114. sjednici, održanoj 23.01.2026. godine, d o n o s i

ZAKLJUČAK

I.

Prihvata se Izjašnjenje Ministarstva za pravosuđe i upravu, broj: 06/02-02-23059-5/25 od 19.01.2026. godine, koje se odnosi na prijedloge za izradu Programa rada Skupštine Zeničko-dobojskog kantona za 2026. godinu.

II.

Zaključak sa Izjašnjenjem iz tačke I. upućuje se Kolegiju Skupštine Zeničko-dobojskog kantona.

III.

Zaključak stupa na snagu danom donošenja.

Broj: 02-_____/26
Datum, 23.01.2026. godine
Zenica

PREMIJER

Nezir Pivić

DOSTAVLJENO:

1x Ministarstvo za pravosuđe i upravu,
1x Stručna služba Skupštine,
1x a/a.



Broj: 06/02-02-23059-5/25

Zenica, 19.01.2026. godine

**SKUPŠTINA ZENIČKO-DOBOJSKOG KANTONA
KOLEGIJ SKUPŠTINE**

PREDMET: Izjašnjenje na Program rada Skupštine Zeničko-dobojskog kantona za 2026. godinu, dostavlja se

Stručna služba Vlade Zeničko-dobojskog kantona je svojim aktom broj: 02-1-02-23059-2/25 od 12.01.2026. godine, Ministarstvu za pravosuđe i upravu Zeničko-dobojskog kantona dostavila akt Skupštine Zeničko-dobojskog kantona sa prijedlogom Službe za upravu, finansije, budžet i trezor Grada Zavidovići, koji se odnosi na prijedloge za izradu Programa rada Skupštine Zeničko-dobojskog kantona za 2026. godinu, između ostalih i u dijelu za čiju je nadležnost prema ovim aktima određeno Ministarstvo za pravosuđe i upravu a odnosi se na donošenje Zakona o izmjeni i dopuni Zakona o pravobranilaštvu.

U vezi sa navedenim Ministarstvo za pravosuđe i upravu napominje da je Zaljučkom Vlade Zeničko-dobojskog kantona, broj: 02-02-1-757/26 od 12.01.2026. godine, usvojen Program rada Vlade Zeničko-dobojskog kantona za 2026. godinu, te koji je izrađen u skladu sa Uredbom o trogodišnjem i godišnjem planiranju rada, monitoringu i izvještavanju u Federaciji Bosne i Hercegovine ("Sl. novine FBiH", br. 74/19 i 2/21) i predstavlja implementacioni dokument sa aktivnostima/projektima koji će se poduzimati na godišnjem nivou kako bi se realizirali programi (mjere), iz trogodišnjeg plana rada, te ostvarili prioriteti i strateški ciljevi iz relevantnih strateških dokumenata i nadležnosti organa uprave utvrđenih u trogodišnjem planu rada, iz čega proizilazi da bi usvajanje ovakvog prijedloga iziskivalo i izmjenu i Prijedloga ovog ministarstva za Program rada Vlade za 2026. godinu uz napomenu da isti mora biti usaglašen sa trogodišnjim planom rada.

Nadalje, iz dostavljenih akata predlagrača nije dato obrazloženje za donošenje navedenog zakona, uz napomenu da je u skladu sa članom 11. Uredbe o trogodišnjem i godišnjem planiranju rada, monitoringu i izvještavanju u Federaciji Bosne i Hercegovine, Radna verzija trogodišnjeg plana rada, koja služi kao osnov za izradu zahtjeva za finansijska sredstva za DOB, objavljena na službenoj web stranici Zeničko-dobojskog kantona dana 12.03.2025. godine, a u cilju konsultacija sa socioekonomskim partnerima širom javnosti i dobijanja komentara i preporuka u roku od deset dana, od dana objave na web stranici, te u okviru kojih Ministarstvo za pravosuđe i upravu nije zaprimilo niti jedan prijedloga niti sugestiju.

Iz navedenog proizilazi da se prijedlog Službe za upravu, finansije, budžet i trezor Grada Zavidovići, koji se odnosi na prijedloge za izradu Programa rada Skupštine Zeničko-dobojskog kantona za 2026. godinu, u okviru nadležnosti ovog ministarstva na ovaj način ne može prihvatiti.

S poštovanjem,

MINISTAR

Dostaviti:

1x Naslovu,

1x a/a.

Nebojša Nikolić